





GÉNESIS 4:1-15 AFR53

[1] EN die mens het sy vrou Eva beken, en sy het swanger geword en Kain gebaar en gesê: Ek het 'n man verkry met die hulp van die Here. [2] Daarna het sy ook sy broer Abel gebaar. En Abel het 'n skaapherder geword, en Kain 'n landbouer. [3] En ná verloop van tyd het Kain van die vrugte van die land aan die Here 'n offer gebring. [4] En Abel het ook van die eersgeborenes van sy kleinvee gebring, naamlik van hulle vet. En die Here het Abel en sy offer genadig aangesien,



GÉNESIS 4:1-15 AFR53

[5] maar Kain en sy offer nie aangesien nie. Toe word Kain baie kwaad, en hy het sy hoof laat hang. [6] En die Here sê vir Kain: Waarom is jy kwaad, en waarom laat jy jou hoof hang? [7] Is daar nie verheffing as jy goed doen nie? En as jy nie goed doen nie — die sonde lê en loer voor die deur, en sy begeerte is na jou; maar jy moet daaroor heers.



JOHANNES 8:31-32 AFR53

[31] En Jesus sê vir die Jode wat in Hom geglo het: As julle in my woord bly, is julle waarlik my dissipels. [32] En julle sal die waarheid ken, **en die waarheid sal julle vrymaak.**



JESUS - DIE WEG NA VRYHEID





GÉNESIS 2:9, AFR53

[9] En die Here God het allerhande bome uit die grond laat uitspruit, begeerlik om te sien en goed om van te eet; ook die boom van die lewe in die middel van die tuin, en die boom van die kennis van goed en kwaad.



GÉNESIS 2: 16-17, AFR53

[16] En die Here God het aan die mens bevel gegee en gesê: Van al die bome van die tuin mag jy vry eet, [17] maar van die boom van die kennis van goed en kwaad, daarvan mag jy nie eet nie; want die dag as jy daarvan eet, sal jy sekerlik sterwe.



GÉNESIS 3:23-24 AFR53

[23] Toe stuur die Here God hom weg uit die tuin van Eden om die grond te bewerk waaruit hy geneem is. [24] So het Hy dan die mens weggedrywe en gérubs aan die oostekant van die tuin van Eden laat woon, met die swaard wat vlam en flikker, **om die toegang tot die boom van die lewe te bewaak.**



MATTHÉÛS 7:13-14 AFR53

[13] Gaan in deur die nou poort, want breed is die poort en wyd is die pad wat na die verderf lei, en daar is baie wat daardeur ingaan. **[14] Want die poort is nou en die pad is smal wat na die lewe lei, en daar is min wat dit vind.**



GÉNESIS 3:9-14 AFR53

[9] Toe roep die Here God na die mens en sê vir hom: Waar is jy? [10] En hy antwoord: Ek het u geruis gehoor in die tuin en gevrees, want ek is naak; daarom het ek my verberg. [11] En Hy sê: Wie het jou te kenne gegee dat jy naak is? Het jy geëet van die boom waarvan Ek jou beveel het om nie te eet nie?



GÉNESIS 3:9-14 AFR53

[12] En die mens antwoord: Die vrou wat U gegee het om by my te wees, sy het my van die boom gegee, en ek het geëet. [13] Daarop sê die Here God aan die vrou: Wat het jy nou gedoen? En die vrou antwoord: Die slang het my bedrieg, en ek het geëet.



GÉNESIS 3:9-14 AFR53

[14] Toe sê die Here God aan die slang: Omdat jy dit gedoen het, is jy vervloek onder al die vee en al die diere van die veld. Op jou buik moet jy seil, en stof moet jy eet al die dae van jou lewe.



JOHANNES 3:19-21 AFR53

[19] En dit is die oordeel: dat die lig in die wêreld gekom het, en die mense het die duisternis liever gehad as die lig; want hulle werke was boos. [20] Want elkeen wat kwaad doen, haat die lig en kom nie na die lig nie, dat sy werke nie bestraf mag word nie. [21] Maar hy wat die waarheid doen, kom na die lig, sodat sy werke openbaar kan word, dat hulle in God gedoen is.



MATTHÉÛS 7:23 AFR53

[23] En dan sal Ek aan hulle sê: **Ek het julle nooit
geken nie.** Gaan weg van My, julle wat die
ongeregtigheid werk!



I JOHANNES 1:8-10 AFR53

[8] AS ons sê dat ons geen sonde het nie, mislei ons onself en die waarheid is nie in ons nie. [9] As ons ons sondes bely, Hy is getrou en regverdig om ons die sondes te vergewe en ons van alle ongeregtigheid te reinig. [10] As ons sê dat ons nie gesondig het nie, dan maak ons Hom tot 'n leuenaar en is sy woord nie in ons nie.



ROMEINE 7:14-26 AFR53

[14] Want ons weet dat die wet geestelik is, maar ek is vleeslik, verkoop onder die sonde. [15] Want wat ek doen, weet ek nie; want wat ek wil, dit doen ek nie, maar wat ek haat, dit doen ek. [16] En as ek doen wat ek nie wil nie, dan stem ek die wet toe dat dit goed is.



ROMEINE 7:14-26 AFR53

[17] Maar nou is dit nie meer ek wat dit doen nie, maar die sonde wat in my woon. [18] Want ek weet dat in my, dit wil sê in my vlees, niks goeds woon nie; want om te wil, is by my aanwesig, maar om goed te doen, dit vind ek nie. [19] Want die goeie wat ek wil, doen ek nie, maar die kwaad wat ek nie wil nie, dit doen ek. [20] Maar as ek doen wat ek nie wil nie, dan doen ek dit nie meer nie, maar die sonde wat in my woon.



ROMEINE 7:14-26 AFR53

[21] Ek vind dus hierdie wet: as ek die goeie wil doen, is die kwaad by my aanwesig. [22] Want ek verlustig my in die wet van God na die innerlike mens; [23] maar ek sien 'n ander wet in my lede wat stryd voer teen die wet van my gemoed en my gevange neem onder die wet van die sonde wat in my lede is.



ROMEINE 7:14-26 AFR53

[24] Ek, ellendige mens! Wie sal my verlos van die liggaam van hierdie dood? [25] Ek dank God deur Jesus Christus, onse Here! [26] So dien ek self dan wel met die gemoed die wet van God, maar met die vlees die wet van die sonde.



MATTHÉÛS 6:11-12 AFR53

*[11] gee ons vandag ons daaglikse brood; [12] en
vergeef ons ons skulde, soos ons ook ons
skuldenaars vergewe;*



JOHANNES 13:33, AFR53

[33] My kinders, nog 'n klein tydjie is Ek by julle. Julle sal My soek, en soos Ek vir die Jode gesê het: Waar Ek heengaan, kan julle nie kom nie — so sê Ek nou ook vir julle.



JOHANNES 13:36-37, AFR53

[36] Simon Petrus sê vir Hom: Here, waar gaan U heen? Jesus antwoord hom: Waar Ek heengaan, kan jy My nou nie volg nie, maar later sal jy My volg. [37] Petrus sê vir Hom: Here, waarom kan ek U nie nou volg nie? Ek sal my lewe vir U gee.



JOHANNES 14:1-7 AFR53

[1] LAAT julle hart nie ontsteld word nie; glo in God, glo ook in My. [2] In die huis van my Vader is daar baie wonings; as dit nie so was nie, sou Ek dit vir julle gesê het. Ek gaan om vir julle plek te berei. [3] En as Ek gegaan en vir julle plek berei het, kom Ek weer en sal julle na My toe neem, sodat julle ook kan wees waar Ek is. [4] En waar Ek heengaan, weet julle en die weg ken julle.



JOHANNES 14:1-7 AFR53

[5] Thomas sê vir Hom: Here, ons weet nie waar U gaan nie, en hoe kan ons die weg ken? [6] Jesus antwoord hom: **Ek is die weg en die waarheid en die lewe; niemand kom na die Vader behalwe deur My nie.** [7] As julle My geken het, sou julle my Vader ook geken het, en van nou af ken julle Hom en het julle Hom gesien.



JOHANNES 14:16-20 AFR53

[16] En Ek sal die Vader bid, en Hy sal julle 'n ander Trooster gee om by julle te bly tot in ewigheid: [17] **die Gees van die waarheid** wat die wêreld nie kan ontvang nie, omdat dit Hom nie sien en Hom nie ken nie; maar julle ken Hom, omdat Hy by julle bly en in julle sal wees. [18] Ek sal julle nie as wese agterlaat nie; Ek kom weer na julle toe.



JOHANNES 14:16-20 AFR53

[19] Nog 'n klein tydjie, en die wêreld sien My nie meer nie; maar **julle sien My**, omdat Ek lewe en julle sal lewe. [20] In dié dag sal julle weet dat Ek in my Vader is, en julle in My, **en Ek in julle**.



HANDELINGE 2:38 AFR53

[38] En Petrus sê vir hulle: Bekeer julle, en laat elkeen van julle gedoop word in die Naam van Jesus Christus tot vergewing van sondes, en julle sal die gawe van die Heilige Gees ontvang.



MATTHÉÛS 11:28-30 AFR53

[28] Kom na My toe, almal wat vermoeid en belas is, en Ek sal julle rus gee. [29] Neem my juk op julle en leer van My, want Ek is sagmoedig en nederig van hart, en julle sal rus vind vir julle siele; [30] want my juk is sag en my las is lig.



JOHANNES 6:35 AFR53

*[35] En Jesus sê vir hulle: **Ek is die brood van die lewe**; wie na My toe kom, sal **nooit honger** kry nie; en wie in My glo, sal **nooit dors** kry nie.*



JOHANNES 8:12 AFR53

[12] EN Jesus het weer met hulle gespreek en gesê: **Ek is die lig van die wêreld**; wie My volg, sal sekerlik nie in die duisternis wandel nie, maar **sal die lig van die lewe hê**.



JOHANNES 10:7-9 AFR53

[7] Jesus het toe weer vir hulle gesê: Voorwaar, voorwaar Ek sê vir julle, **Ek is die deur van die skape.** [8] Almal wat voor My gekom het, is diewe en rowers; maar die skape het nie na hulle geluister nie. [9] Ek is die deur; as iemand deur My ingaan, sal hy gered word, en hy sal ingaan en uitgaan en **weiding vind.**



JOHANNES 10:11-12 AFR53

[11] Ek is die goeie herder. Die goeie herder lê sy lewe af vir die skape. **[12]** Maar die huurling en hy wat nie 'n herder is nie, van wie die skape nie die eiendom is nie, sien die wolf kom en laat die skape staan en vlug, en die wolf vang hulle en jaag die skape uitmekaar.



PSALMS 23:1-4 AFR53

[1] 'n PSALM van Dawid. Die Here is my herder;
niks sal my ontbreek nie. [2] Hy laat my neerlê in
groen weivelde; na **waters waar rus** is, lei Hy my
heen. [3] Hy **verkwik my siel**; **Hy lei my** in die
spore van **geregtigheid**, om sy Naam ontwil. [4]
Al gaan ek ook in 'n dal van doodskaduwee, ek
sal geen onheil vrees nie; want U is met my: u
stok en u staf dié **vertroos my**.



JOHANNES 11:25-26 AFR53

[25] Jesus sê vir haar: **Ek is die opstanding en die lewe; wie in My glo, sal lewe al het hy ook gesterwe;** [26] en elkeen wat lewe en in My glo, sal nooit sterwe tot in ewigheid nie. **Glo jy dit?**



JOHANNES 15:1, 5 AFR53

[1] EK is die ware wynstok, en my Vader is die landbouer.

[5] Ek is die wynstok, julle die lote. **Wie in My bly**, en Ek in hom, **hy dra veel vrug**; want **sonder My kan julle niks doen nie**.



GALÁSIËRS 5:16-17 AFR53

[16] MAAR ek sê: Wandel deur die Gees, dan sal julle nooit die begeerlikheid van die vlees volbring nie; [17] want die vlees begeer teen die Gees, en die Gees teen die vlees; en hulle staan teenoor mekaar, sodat julle nie kan doen wat julle wil nie.



JOHANNES 14:26-27 AFR53

[26] maar die Trooster, die Heilige Gees, wat die Vader in my Naam sal stuur, Hy sal julle alles leer en sal julle herinner aan alles wat Ek vir julle gesê het. [27] Vrede laat Ek vir julle na, my vrede gee Ek aan julle; **nie soos die wêreld gee, gee Ek aan julle nie**. Laat julle hart nie ontsteld word en bang wees nie.



LUKAS 11:9-13 AFR53

[9] En Ek sê vir julle: (Hou aan) Bid, en vir julle sal (aanhoudend) gegee word; (hou aan) soek, en julle sal (aanhoudend) vind; (hou aan) klop, en vir julle sal (aanhoudend) oopgemaak word. [10] Want elkeen wat (aanhou) bid, ontvang (aanhoudend); en hy wat (aanhou) soek, vind (aanhoudend); en vir hom wat (aanhou) klop, sal (aanhoudend) oopgemaak word.



LUKAS 11:9-13 AFR53

[11] En vir watter vader onder julle sal sy seun brood vra, en hy sal hom 'n klip gee; of ook 'n vis, en hy sal hom in plaas van 'n vis 'n slang gee; [12] of ook as hy 'n eier vra, hom 'n skerpioen gee? [13] As julle dan wat sleg is, weet om goeie gawes aan julle kinders te gee, hoeveel te meer sal die hemelse Vader die **Heilige Gees gee** aan die wat Hom bid?



GALÁSIËRS 5:1 AFR53

[1] STAAN dan vas in die vryheid waarmee Christus ons vrygemaak het, en laat julle nie weer onder die juk van diensbaarheid bring nie.



JESUS - DIE WEG NA VRYHEID

